

埤埭山房詩鈔

埽垢山房詩鈔第十一卷目錄

秋感用五平五仄體

又作七平七仄體

五仄五平駢體

七仄七平駢體

述鬼

述狐

小菰愛予平仄閒體詩另作平仄不雜體

二首見示予亦愛而仿之作旅懷詩二
首

衍爲七言平體作山雲篇
衍爲七言仄體作野鞠篇

九日二首

古木

徘徊

有所思

暮秋四首

小遊仙八首

題畫雜詩十二首

偶然得句足成二章

鈔詩四首

高卧

朝雲篇

木葉

寄友四首

埽垢山房詩鈔第十一卷

甘泉黃文暘

秋感用五平五仄體

秋風何蕭蕭曉露亦已白
青天無浮雲一雁下遠陌
徘徊東籬旁野菊手自摘
低頭思鄉關舉首羨羽翮

又作七平七仄體

郊原經霜何蕭寥野趣滿眼入畫意
山光蒼

然從東來樹葉映日雜紫翠斯時江南多丹
楓野水照影入古寺他鄉悲秋凋朱顏染色
止有借酒醉

五仄五平駢體

齒髮已老朽心情猶踈狂擁枕伴夕月攤書
隨斜陽久病少藥物新抄多醫方逆旅厭客
路山光思吾鄉

七仄七平駢體

白日有客赴鬼伯青天無人成神仙到手且
莫放酒盞嘔心何須耽詩篇伏櫪老驥息爾
力潛淵神魚游其天漢陛執戟十八載瑤池
偷桃三千年

述鬼

何來一老翁八十清如崔與我忽解后肝膽
遂相托挑燈守夜窻閑話消寂寞自言前時
宿逆旅破屋數間雨作惡夜深雨住月朦朧

鬼影幢幢辨約畧一影扶杖矮而僂一影無
首肩若削又有二影相扶攜其行蹙蹙若折
脚一影可慘更可怖頭垂舌吐頸纒索其餘
尚有十數影烟消霧薄紛零落此時颯颯多
悲風啾啾鬼語雜鳴蛩披衣起坐側耳聽乃
知僂者爲社公刑傷衆鬼相糾結無首之影
爲鬼雄共環社公訢饑困社公軟語空喁喁
畏鬼不敢撓其鋒鬼雄怒嘯召衆鬼啼呼狎

侮群洵洵明欺社公老無力手提髑髏撞其
胸折足一影排衆怒獨縱清談似揮塵頗矜
鬼謀勝人謀三揖社公前致語自言前世文
無害三木遭刑死痛楚自從爲鬼頗知悔無
奈人苦鬼亦苦爲人苦餓鬼又餓喉細如針
腸似縷鬼不再死苦難脫一粒如山無力舉
鬼苦只要社公憐養得鬼肥分與汝社公前
日未來時原有社公今縮組前日社公通鬼

情教鬼謀生托巫蠱東家小兒發夢藝自言
衝笑神鹵簿耶孃愛惜設祭筵肥豕鷄魚澆
桂醕西家嬌女魘不醒老巫歌學商羊舞須
臾神降主人拜寓馬寓錢工刻楮我輩飽飫
攜其餘歸奉社公豐積貯此事于人亦何損
變理陰陽共安堵大神專牘奏神霄策勲轉
職換金貂來何困頓去逍遙前驅紛紛獍與
梟帕首燦燦裹紅綃後車粉黛顏色嬌紫氏

白氏多妖嬈翩翩書記聘山魃赤狸元豹爪
牙驍抗手大笑意氣驕回首破廟山之均神
肥鬼瘦腸易枵風淒雨冷何蕭寥奉神束約
饑火燒衆將叛汝化爲妖前官後官爲同僚
追蹤何愁雲路高願神降心聽芻蕘社公似
爲斯言動羣鬼欣然相護從鬼散羈人成短
夢醒來已過鷄三弄異事明明聞鬼語敘述
燈前充夜供翁言我紀作長歌詩成翁爲三

吟諷

述狐

何來一老翁碧眼白髭鬚年約六七十其神
清且腴此人較短小炫服稱其軀白日走人
世自言身是狐泰山賜神牒姓烏名學儒此
物吾未見所聞非元虛我有父執友金牛山
下居好奇愛輕俠八十顏紅芙與我遇山左
談笑相歡娛自言少躬耕老屋在村墟親與

此物接相愛人不如我聞狐陰物口中含媚
珠物老羣精附其理原非誣乘氣或幻化恍
惚多模糊朗朗天日中安敢肆揶揄竒談姑
悅耳或者工擬摹丈人嗤然笑笑我言太迂
陰陽多變化其理安可拘人與物雜揉二氣
互乘除鬼尚辨大小狐豈異親疎我且畢此
說庶以啟子愚昔者常買鄰長者家姓俞結
屋頗華整其東卽圭齋俞家有書樓清池種

芙蕖修竹綠虛楹清風襲衣裾牆外吾有圃
開窗常瞰予狐來借樓住願以白金租俞翁
懼其怪慮或遭睢盱唯唯敬相諾再拜言囁
嚅仙來我敬事奔走效馳驅家有小兒女慙
跳性頗麤干犯或不慎怒責深可虞願仙恕
其幼勿與較區區老狐不自諱坦坦誠相輸
聞言俯其首喟然發長吁我輩人憎惡性本
與人殊旣化人官骸願學人步趨慕翁古君

子夏屋況渠渠敬以陳情縻豈敢妄覬覦君
幸不我拒我敢爲君瘡君但勅手力爲我剪
榛蕪閉門勿來窺我自安妻孥問其何日來
期以月之初遂辭主人去下堦趨東隅倏然
無所睹空堦搖槐榆我時聞怪異慰問入其
閭主人昏如夢四顧神脚躑問奴得其詳心
口自諮諏彼旣以禮來拒之非良圖況已允
其請一諾重璠璣丈夫重信義豈因異物淪

大聲告主人主人神爲蘇入樓親灑掃供以
香一爐月初方屆期空樓聞笙竽主人急往
視狐出神蘊蘊衣服光羅綺雜佩粲瓊琚敬
設再拜禮匝地陳醴醢簾櫳耀錦繡陳設多
璉瑚從容通笑語留飲誇仙厨謂言樓外鄰
可以共唱喁托以短刺通邀我享盤蔬我本
好奇者急行無趑趄相見卽相愛彼此戒佞
諛高談開秘笈元言闡神樞我量本小戶時

乃傾一壺從此膠投漆三友數居諸或從問
變化但言理所無陰風吹篝火幻惑于天誅
或請見眷屬盈盈出彼姝言其爲身累約束
不敢紓三友密締結二載頗有餘一朝辭我
去南山返故廬高樓絕音響相思付巴歛寂
寞十餘載我往游成都俞翁痛老死子弱無
人扶瓜葛匿精魅葭苳藏虎軀腴田衆豪奪
華棖肆剗剗樓歸至戚李巧攘以擣蒲老狐

忽復至樓主非故吾聚散異生死盛衰發歎
歎鑒彼獸行人恨罵雜啼呼竒怪遂百出飛
石擊其顙李氏詈老魅邪正敢同途西天有
正法乃往延浮屠經席盛香花狐來拜亦膜
振鈴踞法座李惡無不臚衆僧掩耳走神仙
來雲衢自言授金錄龍虎真人徒硃砂研一
斗黃素寫靈符先以罡氣入後以祖氣噓雷
霆施斧鑿丁甲森戈殳朱鳥張赤幟龜蛇颺

皂旗神龍繞其左右乃蹲於菟法鼓甫三振
忽裂身上襦神癡目上視自以劍刺膚我時
適返里告者已塞塗老狐梁上笑吾友賦歸
歟李氏急相迎狐來挽我袂相與哭死友言
與淚相俱次訴李氏惡憤欲揮錕鏐俞子時
亦來伏地泣呱呱狐乃撫之哭哀此無父孤
我涕不可仰自愧非丈夫觀者忽感激衆口
齊嗚嗚李氏忽感激天良發須臾願償其屋

價爲孤養生需狐乃仰天笑天人理本孚感
化豈影響靈應捷鼓桴宛親本平等較不爽
錙銖人獸關重關一滴灌醍醐我且歸故山
白雲共卷舒言罷寂然去我亦歸徐徐今又
二十年俞漸富所儲李卒爲善士雨露沐浴
濡至今高樓上日暮走魑魅我欲立狐祠爲
人樹楷模豐碑紀靈蹟再廣絕交書吾子富
文翰經史勤畚畚光怪閼爾室文塲空嶠嶇

閒煞斲輪手無題供雕鏤筆力或怒發請爲
狐董狐我諾翁所命大書烏學儒

小菰愛予平仄閒體詩另作平仄不雜
體二首見示聲同則更難成章所作
頗得自然流逸之趣愛而仿其體作
旅懷二首

烏雅東南翔金風從西來當風張柔翰因之
成徘徊徘徊呼其羣歸巢尋高槐人生安家

鄉征途心悲哀

輾轉夜不寐斷續聽細雨況復雜落葉點滴
不可數頗似擁髻婦顧影獨絮語觸境各有
感我正在客旅

衍爲七言平體作山雲篇

空山無人秋蘭馨山中之雲何英英飛來無
心偏多情韓娥高歌雲爲停朱門和聲琵琶
箏三絃笙簫簫等笙金聲鏦鏘鳴鐃鉦山雲

驚飛隨風輕松聲泉聲相逢迎歸來依然山
光清回頭華筵燈熒熒心憐韓娥空惺惺

衍爲七言仄體作野鞠篇

白日瘦瑟草不綠正色煜煜綻野鞠質樸不
入賞鑒目煉藥上士採一劑和以石髓液用
玉養老不羨飽食肉崔骨矯矯壽命足上士
上藥帝所育世事不教死碌碌乃使在野植
厥福令色媚世世所毒彼亦往往遇折辱

九日

愁豈關風雨羈人自鬱陶三秋常寂寂九日
更切切有夢來清晝無花伴濁醪

覓菊花一枝不可得

居卑身已慣不愛暫登高

偶然風落帽千古說龍山我正頻搔首誰爲
一解顏題糕聊爾爾覓句自閒閒頗喜無田
種催租不扣關

古木

偶來古木下爲爾費踟躕占地常居野量材
每笑麤終期孤鳳集莫望萬牛趨搖落同秋
氣許身吾亦愚

徘徊

把卷一徘徊長歌調易哀王侯原有命貧賤
要論才老我隨鬚髮古人豈草萊異書終可
用孺子或堪裁

有所思

流水東西各異涯
飛蓬上下本同荄
難囚夜夢留人住
欲起晨風入子懷
每遇歡場禁涕淚
強將哀思托歌諧
篋中故物多零落
猶有登程舊草鞋

暮秋

歲歲秋催人
白頭滿頭白髮又悲秋
衣裳當體偏知冷
懷袖藏書半說愁
霜氣入衾催夢去
斜陽上樹爲雅留
悠悠數盡閒朝暮
不是

思鄉淚亦流

況是鄉思百不堪
意中秋色滿江南
楓隨溪轉通蓮社
堂與山平接翠嵐
玉破鱸魚金綻菊
飯炊晚稻酒傳柑
墓田自古揚州好
歸計何須決再三

歸去來兮理釣竿
紅橋東畔水漫漫
來會決計原爲隱
歸不成休本未官
詞賦已還山水債
鬚眉宜入畫圖看
稻梁也愛秋成好
無奈

先生與易闌

興闌更覺畏秋風倚柱微吟手自籠
烏浴當天看陣陣蛩吟入戶聽忡忡
歸心有淚開叢菊世味無聊煮晚菘
怪底悲秋人易老客中依舊是愁中

小游仙

腳踏珊瑚手掣鯨風波過盡一身輕
不將詩卷留塵世譜入雲中白玉笙

碎剪霞光織錦雯霧迷五里杳難分年來認
得山中路不問青雲問白雲

雞犬紛紛雲路通淮王爐火竟成功昨朝天
厠曾經過賓從何曾有八公

藥採松根五色芝丹房千載鬢如絲圖開位
業無名姓河上仙人是我師

滴髓箋疏內外篇玉棺天上葬神仙老樵不
識人間字局外看棋五百年

步城山房詩集 卷十一
十種仙人拜木公何如抱一守崆峒笑他睹
史多天上天福偏誇樹曲躬

海門東望卽蓬瀛劃斷寒潮劍氣橫高唱游
仙乘霧去江心驚起老鼉精

秦女吹笙月正華閒邀仙媼採硃砂至今蓬
島瓊樓上分住蕭家與葛家

題畫雜詩

鏤脂雕翠圖新裁葉葉安排大費才檢盡徐

熙舊粉本牡丹從不畫重臺

牽牛飲水問前津角上書開擬鳳麟路起夕

陽休掉首怕爲黃犢眼中人

用米海嶽摹戴嵩牛事

濯足清流不可汙長歌浩浩響孤蘆釣絲寫
出鬚眉影點綴江山入畫圖

芳草纔齊花漸開日長閒煞讀書臺春風熱
處爭門戶陣陣呢喃燕子來

四面青山間白雲崔鳴似向九臯聞梅花深

處人難到中有孤山處士墳

露氣濃霜鼓子花抱鬚彩蝶夢還家幽人竹
外貪看月一縷松烟自煮茶

帝闕名山貯異書山多上藥水多魚卧龍不
出宜高卧此地商量結草廬

穠華洗淨艷陽妝寫出疎林幾葉黃秋氣漸
清才漸老始知本色是文章

西風一夕報金秋天里江蘆盡白頭惟有老

漁偏耐冷年年白髮弄扁舟

天風和我嘯聲長獨立高峯望八荒呼出白
猿教舞劍萬山作勢學低昂

長江西望霧冥冥路闢天門兩點青大有風
波行不得莫從魚鰲信騷經

松根高卧觀花茵靜看山雲出入頻掩卷沉
吟成一笑可知身是畫中人

偶然得句足成二章

縮地術難學升天堦本無未能鑽木熱空被
點金愚白水歌誰解黃鐘管本孤何堪消永
日只許付長吁

空藕絲偏結寒梅子易酸一心有所守萬態
不成歡默默承顏色悠悠托肺肝人生非草
木氣味憶芝蘭

不寐

宿鳥棲高樹寒風逼帟窻窺人燈閃閃不寐

影幢幢憂樂吾何事徘徊氣未降可憐牆角
月分影照千江

鈔詩

老作諸侯客空悲道路長當歌聊慷慨奇氣
此飛揚心苦詩相迫身安世所忘自憐還自
笑餘事日忙忙

萬境不相入無聊寄所思本爲窮者事安望
世人知消遣計良得推敲意太愚白雲自舒

北山房詩集卷十二
卷何處覓常師

妙香不可辨空色不能尋
息息入真意超超識道心
臨風忽悵望搔首獨沉吟
山水招吾去爲之一鼓琴

鈔詩屢剪燭攔筆忽聞鐘
得意忘行旅無心入化工
豈爭千古事聊慰七旬翁
不用談詩律詩禪久悟空

高卧

人言高卧可忘憂笑我登床更結愁夢似書
奇初到眼思如髮亂怕梳頭未能客枕成仙
枕好把更籌換酒籌省得相思偏識路昏然
暫作醉鄉游

朝雲篇

朝雲一片未成雨飄入楚宮化香炷繡裙五
色掌中飛彩鴛拙煞金針譜盈盈黃金屋嫋
嫋白玉笙珊瑚雕爲佩明珠結爲璵纔把金

刀雪香藕又教玉手剖新橙擅場獨奏陽春
曲鐫名例選茗華玉當筵酒奉春缸紅背人
淚灑秋波綠李白桃紅各笑顰雄蜂雌蝶共
嬉春可憐羅綺圍成陣可憐蘭麝輾爲塵麝
蘭香滿春城路彩雲飛上三珠樹艷情開滿
出牆花春心巧聽流鶯訴可惜春光容易秋
輕薄秋雲片片浮秋露零零滿花徑秋星何
處照衾稠石家金谷恩原重綠珠曾受專房

寵漢宮玉貌不承恩青青草長明妃冢連理
從來有本根並頭何處尋花種招客開筵又
賞花筵前逐隊撥琵琶歡場那有青衫濕知
音自古各天涯空谷天寒翠袖薄願爲棄妾
甘流落天涯不少傷心客共訴飄零同寂寞
但得有心比卷施不用相逢贈芍藥海水千
尺誓恩情明珠百琲通媒妁笑看天桃洞口
開不隨歌舞落塵埃仙郎飽喫胡麻飯白雲

終古護天台
天台山路分明在
更無人解神
仙佩徵歌選舞任荒唐
暮雨朝雲供狡獪
從來感遇在千秋
自古佳人稱絕代
深情只要
一人知
羞煞紅顏衆
口愛帳下美人島中客
千古爲君歌慷慨

木葉

木葉無邊下
郊原見古墳
古人卧宿草
客子望秋雲
雁影雲中過
客心天外分
可憐數去

日到眼又斜曛

寄友

意氣爭誇第一流
少年文字枉雕鏤
半生落落成秦贅
衆口嘈嘈聚楚咻
巧拙與人分進退
輸贏闔草記春秋
可憐後死留辛苦
剩爾同爲造化游

尚論千秋各許身
致身何處問前津
原知用短爲長策
不敢趨時負古人
世上有君千氣

象眼中看我老風塵新詩遠寄頻珍重攜上
礚溪伴釣緇

喚我詩人我不甘聲歌況是未全諳世閒別
有傷心處詩外誰爲合掌叅五色盡銷青簡
筆一燈常照白雲龕怕留慧業他生累懺悔
頻開金字函

歸路從容理布帆遠峯遙指碧巉巖當年管
樂空盟志此日漁樵共結銜倚劍有時悲短

髮買山何處托長鑱耦耕不負當年約
刷藥同將蔓草芟

埽垢山房詩鈔第十二卷目錄

閉門

牆隙風

百舌鳥

行路謠

寄楚中故人

自述

秋興

憶婦垢山

舊絃曲

秋風引

寄節倩

採蓮曲

採菱曲

鷄鳴曲

感遇

謝孔小菴送菊花木瓜

秋懷二首

瓦盆歌

有感

取士答節倩

取友

看菊

枕上口占

俯仰

暮年

和前韻

石門山

夜起四首

雜書十六韻

夢中作

案有淨帟偶書八韻

夢醒

闕里八詩友歌

詩壇

兩左行

改詩

編詩

埽垢山房詩鈔第十二卷

甘泉黃文暘

閉門

不記身爲客依然晝閉門空堦留宿雨午夢
入青尊倚杖存山意尋詩得爪痕多情雅作
陣日日報黃昏

牆隙風

牆隙風來有蹤吹我髮忽動吹我燈不紅汝

風伯亮天工陰陽之氣待汝宣萬物之氣待
汝通我亦陰陽中一物汝若加我吹噓力我
能助汝燮理陰陽功可憐遇汝不逢春與夏
苦我歲歲來秋冬我欲逢迎不識路四方偏
昧南與東毛枯肉乾神氣索歸來局蹐一室
中奈何一隙之空不我容嗚呼此隙我未補
我省我躬敢怨汝

百舌鳥

百舌鳥言何巧爾言巧人道好我言拙人所
惱吁嗟乎我舌不敢兩爾乃百舌任顛倒是
何言語不可曉鉤輶格磔人愛聽愛者頗亦
不了了

行路謠

行路行路但行直路君休誤仔細前頭十字
路十字路路茫茫離離秋草如人長東西南
北皆他鄉我顏顰黑我馬元黃扶我眼中塵

拂我鬚上霜振衣矯首立中央徘徊四顧空
傍徨行路行路但行直路君休誤前頭還有
三岔路三岔路條條曲如弓一路向西一路
東一路向北通燕中可惜燕中少故人黃金
臺上生寒風行路行路但行直路君休誤仔
細前頭有岐路岐路豈惟有兩岐走入岐途
路更迂可憐雲樹影難測可憐塵土目易糊
不能分四正安能辨四隅北有春冰堆作山

南有炎火圍成爐東山絲竹容易散北邙高
冢盈荒墟拔劍出門貴自立吁嗟母爲路所
愚行路行路但行直路君休誤回頭記著歸
家路

寄楚中故人

日邊方治水天末未休兵寂寂散詩酒寥寥
憶弟兄我行泰岱路君住武昌城江上多香
草何時寄杜蘅

自述

少年客氣盛進頗誤剛愎老年事勢窮止詎
關道德止豈無所恨歸路恨逼仄古今較窮
境我窮實無敵陶公本世家有田收稼穡杜
老亦朝官舊繡窮可拆浩然多貴游禁省身
能匿郊島兩窮人亦各守微職我以賤得貧
無田更無宅舉家繫生死豈能諱謀食所嗟
謀太愚碌碌事筆墨文境與窮境其苦無不

歷不列于佛名誰信百夫特空以詩証窮詞
章矜婉嬋初時倚才調漸乃入風格忍俊忽
不禁竒氣發胸臆媚色恥倩盼脫手飛霹靂
異境忽然開往往闢阡陌晚悟風人旨渙然
若氷釋去浮期得顯棄渣只留液堂堂天日
中男兒自清白昨有遠方友寄我詩數冊一
時羅屈宋千秋互主客色燦天女花聲入美
人帛諸君皆才子阿誰是詩伯詩人自有詩

其味耐深索豈但無脂粉亦不遁空寂變化
開萬象天光呈本色怪奇役萬卷鬼神奉羽
檄虛空自粉碎何處入拈撫豈有才可矜亦
無句能摘妙音叶歌詠深味醱醇醲出之頗
容易循之亦坦直中有萬古情百世共紉繹
我願奉此師與之共朝夕丈夫身既廢性情
聊自適白日照簞瓢歌聲出金石俛仰苟隨
人富貴早可得若以詩悅世枉直愧今昔分

咐妻與子餓死共努力

秋興

坐受虛窗白行哀砌草黃
呼僮掃落葉看鳥入斜陽
髮短秋爭入雲孤天正長
故山知憶我留住菊花香

憶埽垢山

山在吾鄉東北郊

埽垢山名好山平草易薶
拙存能近古澹極不爭高
未染烟霞習毋煩車馬勞
可憐竹西

路歌吹日嘈嘈

舊絃曲

舊絃聲和聽已熟新絃聲高調易促冰絲換
上移金雁却教舊伎彈新曲美人見絃心自
憐暗向堂隅覓舊絃舊絃覓得藏羅袖攜上
空床伴獨眠

秋風引

秋風急兮木葉飛揚我欲乘此風兮早歸故

鄉客今早歸來秋氣何悲哀秋風拂衣袂爲
爾幾徘徊爾不歸去胡爲哉他鄉雖樂人易
老凋零試看原頭草秋草逢春再發榮人歷
春秋更枯槁客今爾老何碌碌文章空向秋
風哭秋風吹爾好還鄉故鄉雖窮有骨肉人
生一世草一秋封侯有命非人謀市上吹簫
堪乞食何事飄飄愛遠游

寄節倩

不逐夫容一例開
珊瑚七尺太奇恢
波深只許蛟龍識
莫怪人間不會栽

採蓮曲

佃田苦無主
買田苦無錢
水鄉之人嗟可憐
合家辛苦種湖田
一春辛苦田浸水
湖中荷葉青如錢
可惜荷花煮不得
且剥榆皮作飯喫
湖邊女兒昔如花
于今餓瘦無顏色
看見花開盼花落
落落盡蓮花
見蓮蒨垢面蓬頭盪

小舟採得蓮子不敢食曬乾賣入城中去大
戶朱門備果核明年只願水平沙田禾結實
收盈車多煮白飯日日飽紅顏養得如蓮花
賣入城中不用哭飽餐蓮子嫌梁肉嬉游共
上採蓮舡嬌聲學唱採蓮曲

採菱曲

菱盤已枯水已淺泥淤那有魚入罾湖邊女
兒赤雙足踰入淤泥覓老菱泥中菱角利于

城東月夜記
卷二
鏃穿入人皮刺人肉泥中得菱女兒喜刺肉
穿皮不知哭煮菱喫飽再採菱泥中學唱採
菱曲

鷄鳴曲

輾轉苦恨枕不高膠膠忽聽鷄初號好夢不
來酒力消掩耳怕聽鷄再號還鄉夢短路何
遙醒來剛聽鷄三號人問萬事何勞勞催人
勞勞鷄亂號

感遇

寶劍明如鏡照見君子心學劍非爲己舞罷
時鼓琴登高撫我劍四顧嘯且吟側身天地
間徘徊遂至今

小菰見惠鞠花木瓜奉謝一律

日落正枯坐寒香得味賒相逢忝舊果拈得
悟空花客裏難言報籬邊忽憶家多君傳冷
趣慰我在天涯

秋懷

人生天地間各自爲春秋撫躬得我意長養
恒自由落筆忽盈帑萬花燦兩眸已爲世所
遺何敢言樂憂不爲影所愧何者形所羞吾
氣自收歛常爲形所留笑彼悲秋者其聲何
啾啾

人生何所悲所悲在別離憶我出門日春花
滿樹枝淒涼在我目零落淚如絲膠漆結肝

腸形影忽參差但覺衣裳單淒然冷心脾慨
念天地大斯人不我遺執手一爲別春秋氣
已移忘情愧太上區區抱我私吾氣一以索
遂爲秋風欺

瓦盆歌

文姬入塞吹胡笳明妃出塞撥琵琶恩重恩
輕異哀怨身重身輕各貴賤男兒從不受人
恩那堪挾瑟走王門烏烏一曲長兒孫自扣

田家老瓦盆

有感

碧海休誇解掣鯨
青山何處問啼鶯
鄉人原不知羅隱
不用藏身變姓名

取士一首答節備

取士觀所樂
昇以天下憂
奈何玩塗飾
詞賦空雕鏤
制藝祖經義
頗可觀
所由仍作詞賦
觀遂爲聖賢羞
矯之以抄撮
于義更浮游
方

代聖賢言其言忽紛揉周儒述漢唐異同親
校讎吾每覽之懼懼其干斧鉞言無大悖謬
寧取詞賦流以此較去取卮言互唱酬文章
能報國此輩安足謀賤子世所棄身棄心日
休行蹤甘挫折文字遵前修今來瞻魯壁或
不差此遊吾子聖人後六經毋外求大道傳
家法其義何炳彪鄭重抱遺經得失在千秋
區區何足論慎勿生怨尤

取友

偶讀宛卽詩愛其論取友謂友之益我如指
之于手其譬淺而明其義深而厚十指有短
長運之無好醜知心赴所期萬事賴左右翻
覆爲雲雨指亦不任咎手不能運指母乃辜
負肘推之足亦然無指安能走手足苟無指
不啻加以桎所以朋友倫序于昆弟後

看菊

風前看菊覺衣單始解凌霜事大難耐老心
腸工冷澹固窮情性異悲歡久甘在野何曾
傲從未逢春不辨寒白髮對花同一笑年年
籬下共盤桓

枕上口占

添薪煮簀事茫茫擁枕何勞費酌量十月衣
單家正遠三更夢醒夜偏長堦磚葉走風中
雨窻紙光昏地上霜心自分明神自困不堪

絮語答寒螿

俯仰

俯仰事天地行藏原未訛
意中千古近身外一瓢多
昔有無名氏吾猶寄嘯歌
誓將除結習洗面對烟蘿

暮年

暮年何事走風塵不染風塵髮似銀
筋力盡衰空使氣文章無用謾言神
狂來放手攻詩

敵病後甘心讓酒人笑煞對花忘記老猶隨
芳草惜餘春

和前韻

不用靈犀爲辟塵蓬萊宮闕盡金銀好招麟
鳳徵賢聖莫使牛蛇貌鬼神古佛法傳心上
事威王后立眼中人年年共說三春好誰到
逢春解惜春

石門山

名山招我石門開
疋馬尋秋特地來
一水迴環通殿閣
兩峯離合走風雷
澗留冰雪千年冷
路入徂徠六逸才
我欲誅茅成小住
隱居舊跡久蒿萊

夜起

蕭然高枕泰山東
夜起開門玩化工
獨客夢迴家在眼
一天雲散月懸空
當堦有樹陪孤影
舉世何人念此翁
敲碎石欄歌慷慨
清商

移調和西風

何必平明夜氣回
世間萬念早成灰
漸看星影悲零落
豈有霜花待剪裁
不役不兵垂老別
一瓶一盞野僧來
他時歸卧淳于宅
安用行藏問老槐

明月西迴影到牆
閒堦搔首更淒涼
止餘白髮爭前輩
何處青山許散塲
不用中才評李蔡
曾經國士許黃香
如今老至安眠少
笑煞

區分上下床

漏盡鐘鳴夜欲殘
消磨只剩五更寒
紛紛宿鳥工鳴噪
啞啞晨雞振羽翰
天上霞先開五色
袖中劍亦走雙丸
披襟又對堂堂日
無奈人間事大難

雜書十六韻

孤懷久覺羣喧寂
一飯何堪四海謀
蹴踘氣圓隨衆樂
樗蒲陣合讓先籌
布衣人世爭高

座襍被憐予許夢遊啄木借枝能去蠹信天
甘餓怕驚鷗飛翔仰面羞鴻雁呼應無心任
馬牛壽命暗消爐內藥雌雄空辨棘端猴酒
徒散後天如墨獨客歌殘雨滿樓山爲雲烟
商出處身隨草木記春秋眼明豈信眉毛近
背癢常生指爪仇全局算棋惟國手緩聲度
曲有傳頭鳴蟬到耳哀風露落葉隨時少怨
尤日短算來仙易老劫多歷盡佛常愁三冬

卧雪衣無褐六月臨江釣有裘暮齒輪蹄悲
結伴少年酒色勝封侯詩成異地工蕭瑟人
在離筵愛逗遛月色二分湖十里歸心到底
憶揚州

夢中作七律一首朗吟而醒急起敲火
錄之

剪帟爲驢汗漫遊壺天一角路通幽入山時
見人騎鹿此水差堪我飲牛石煖生烟雲作

硯峯迴遮日樹常秋直垂磴道八千尺上有
藏真瓊玉樓

案有淨帟偶書八韻

拾橡可充饑晨餐況煮餅負暄可御冬敝裘
况遮冷花發寒霜味茶照秋苔影萬物偶相
附原非癭在頸高樹遶我屋葉脫氣已靜松
栢謝衆木爲爾守幽境對此蒼然姿我更發
深省几案不敢狎肅然對修整

夢醒

乍醒依然獨客眠
錚錚入耳響瓊籤
壓衾驟覺霜侵骨
推枕剛逢月抱肩
來去夢魂山水路
荒唐詞賦雨雲仙
晨雞何苦分明報
蝴蝶莊周盡可憐

闕里八詩友歌

詩情我愛孔小菴
孔翰博廣根
滴淚釀酒酒不紅
手澆桃李開秋風
季衡孔監州廣權
骨健如老熊

山中祇掌山爲空有時拔倒千年松思誠顏教

諭懷 挹露洗花宮天女袖手立雲中豈但春

花不敢紅鎮齋孔教授 一身具六通千化萬

變歸其宗光生海印滿虛空厚齋孔監州 揚

刃雕天容凌空一塔金玲瓏二十八窓通天

風節倩孔明經 氣吐詩人窮洛陽才子驅爲

僮王猛捫蝨真英雄荃溪孔編修 織錦開璇

宮機上萬花寫天工香氣結爲海上峯秋平

老人手空空目無所見雙耳聾笑對青天披
其胸

詩壇

山左風雅天下宗刪詩學詩傳聖教杏壇高
峙魯東城萬古詩壇不敢較小子北學探詩
源我性我情從所好金聲玉振夫子堂幽風
魯頌周公廟譜牒煌煌尊大宗垂象明明瞻
二曜萬物分光孫數典漢魏唐宋肖所肖可

憐標榜爭門戶豈有性情異忠孝非聖法應
誅僞體正宗大能羅衆妙紛紛下士誇壇坫
鄙若與儻爭一犒我幸朝宗拜杏壇敢說登
壇樹旗纛取友慚愧魯君子却傳鄙句同傾
倒堂堂詩法述家法聖人之門得先導盛德
恭聞威鳳鳴野雀低頭自啄菹

一兩左行

江左山左路非遠東走同遶東海東我從長

江盡頭處扶杖來看丈人峯中間楫擊黃河水
巨浪長風與江似河海江山羅大觀頗勝
埋頭死故帟河聲嶽色入詩腸長歌短詠神
揚揚可憐萬物困凌暴共謁嶽帝訴其狂嶽
帝震怒召河伯俾遣飛魚馳羽檄窮搜原籍
責江神胡使漂流走狂客痛哭江神解愛才
葭白霜清許溯洄少年詞賦長沙淚逐客離
騷萬古哀天地生才原有數川嶽神靈同愛

護名山豈有不憐才
天門蕩蕩通香炷
李靖曾陳西嶽書
怪煞此生羞自訴
秋水吟成薦士篇
爲求岳薦通情愫
不煩鳩鳥遠爲媒
鯉魚飛上秦時樹
嶽神大笑江神愚
從來才福兩分途
豐此嗇彼天所命
能知損益轉機樞
我抑其才培其福
不知我意空嗚呼
我眼齊魯青不了
眼中人豈失區區
外臣再拜啟嶽帝
才豈與福較巨細
臣才不才狂則狂
福本

難求才可棄山有木兮水有魚漁竿樵斧堪
游戲如此江山耐苦吟詩窮自昔頒成例從
來山水有清音海上成連解聽琴江水湯湯
東到海比似桃潭萬倍深高歌披髮隨烟霧
赤脚踏入珊瑚林好攜謝眺驚人句獨立蓬
萊頂上吟

改詩

洗淨面皮對真宰舊句不厭再三改問煞人

間笑此身髭斷腸枯不知悔閒身分付與詩
篇消遣朝朝食與眠可憐帑上五七字了却
人生一百年

編詩

日日愁新詩亦新愁多誰爲掃詩塵數來舊
句如前夢想到生平又一巡故帑不堪煮作
飯落花聊可聚爲茵短檠笑共愁人語惟我
知君最苦辛

一編手錄戶常扃口自微哦耳自聽竟爾不言
尤蘊藉共誰絮語太丁寧寫心只愛吟髭
白尚友常開老眼青差可傳家當遺照名山
何敢瀆山靈

男金校字